



Քաղաքացիական գործ թիվ ԵՂ/66922/02/22

**ՀՀ ԵՐԵՎԱՆ ՔԱՂԱՔԻ ԸՆԴՀԱՆՈՒՐ ԻՐԱՎԱՍՈՒԹՅԱՆ ԱՌԱՋԻՆ ԱՏՅԱՆԻ
ԴԱՏԱՐԱՆԻ ՈՐՈՇՈՒՄ**
*ՀԱՅՑԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ ԵՎ ԳՈՐԾԻ ՔՆՆՈՒԹՅՈՒՆԸ
ԳՐԱՎՈՐ ԸՆԹԱՑԱԿԱՐԳՈՎ ԻՐԱՎԱՆԱՅՆԵԼՈՒ ՄԱՍԻՆ*

10.01.2023թ.

ք.Երևան

ՀՀ Երևան քաղաքի ընդհանուր իրավասության առաջին ատյանի դատարանի դատավոր Հ. Զարգարյանս, ծանոթանալով «Արշին-Քոնսթրաքշն» ՍՊ ընկերության հայցադիմումին ընդդեմ Երևանի քաղաքապետարանի՝ Երևանի քաղաքապետ Հրաչյա Սարգսյանի 08.12.2022թ. թիվ 4319-Ա որոշումը՝ «Արշին-Քոնսթրաքշն» ՍՊ ընկերության գնումների գործընթացին մասնակցելու իրավունք չունեցող մասնակիցների ցուցակում ներառելու մասով որոշումը անվավեր պահանջների մասին,



Պ Ա Ր Ձ Ե Յ Ի

«Արշին-Քոնսթրաքշն» ՍՊ ընկերությունը 28.12.2022թ. հայցադիմում է ներկայացրել Երևան քաղաքի ընդհանուր իրավասության դատարան ընդդեմ Երևանի քաղաքապետարանի՝ Երևանի քաղաքապետ Հրաչյա Սարգսյանի 08.12.2022թ. թիվ 4319-Ա որոշումը՝ «Արշին-Քոնսթրաքշն» ՍՊ ընկերության գնումների գործընթացին մասնակցելու իրավունք չունեցող մասնակիցների ցուցակում ներառելու մասով որոշումը անվավեր ճանաչելու պահանջների մասին:

Հայցադիմումը Դատարանի աշխատակազմին է հանձնվել 04.01.2023 թվականին:

ՀՀ քաղաքացիական դատավարության օրենսգրքի 234.5-րդ հոդվածի համաձայն՝ «1. Դատարանը սույն գլխով սահմանված կարգով քննում և լուծում է «Գնումների մասին» Հայաստանի Հանրապետության օրենքի 46-րդ հոդվածի 1-ին մասով սահմանված *պատվիրատուի և գնահատող հանձնաժողովի գործողությունների (անգործության) և որոշումների բողոքարկման հետ կապված վեճերը:*

2. Գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառաբանված որոշմամբ սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով»:

Տվյալ դեպքում ներկայացված հայցապահանջով հայցվորը վիճարկում է պատվիրատու պատասխանողի գործողությունները ուղղված թիվ «ԵՔ-ՄԱՕՁԲ-22/98» ծածկագրով գնման ընթացակարգի արդյունքում կնքված պայմանագրի միակողմանի լուծմանը և գնումների գործընթացին մասնակցելու իրավունք չունեցող մասնակիցների ցուցակում ներառելու մասին որոշումը վերացնելուն, ուստիև հայցը

ենթակա է քննության ՀՀ քաղաքացիական դատավարության օրենսգրքի 27.2-րդ գլխի կանոններով:

Հայցադիմումի ընդունումը մերժելու կամ այն վերադարձնելու հիմքեր չկան:

Ղեկավարվելով ՀՀ քաղաքացիական դատավարության օրենսգրքի 120-122-րդ, 199-րդ, 200-րդ հոդվածներով, ինչպես նաև 27.2-րդ գլխի կանոններով՝

Ո Ր Ո Շ Ե Ց Ի

1. «Արշին-Քոնսթրաքշն» ՍՊ ընկերության հայցադիմումն ընդդեմ Երևանի քաղաքապետարանի՝ Երևանի քաղաքապետ Հրաչյա Սարգսյանի 08.12.2022թ. թիվ 4319-Ա որոշումը՝ «Արշին-Քոնսթրաքշն» ՍՊ ընկերության գնումների գործընթացին մասնակցելու իրավունք չունեցող մասնակիցների ցուցակում ներառելու մասով որոշումը անվավեր ճանաչելու պահանջների մասին, ընդունել վարույթ:

2. Գործի քննությունն իրականացնել գրավոր ընթացակարգով՝ դատական ակտի հրապարակման օր սահմանելով 15 փերվարի 2023 թվականին՝ դատական իշխանության պաշտոնական էլեկտրոնային կայքի (datalex.am) միջոցով՝ դատական ակտի թղթային հասանելիությունն ապահովելով նույն օրը՝ ժամը 17:00-ից հետո:

Որոշումը եռօրյա ժամկետում ուղարկել գործին մասնակցող անձանց:

Որոշումն անհապաղ ուղարկել «Գնումների մասին» Հայաստանի Հանրապետության օրենքով նախատեսված լիազորված մարմնի պաշտոնական էլեկտրոնային փոստի հասցեին՝ secretariat@minfin.am:

Որոշումն օրինական ուժի մեջ է մտնում կայացման պահից:

ԴԱՏԱՎՈՐ՝



Հ. ԶԱՐԳԱՐՅԱՆ

Պարզաբանվում է, որ Դատարանը գործին մասնակցող անձի միջնորդությամբ կամ իր նախաձեռնությամբ իրավասու է հրավիրել դատական նիստ՝ ՀՀ քաղաքացիական դատավարության օրենսգրքի 234.9-րդ հոդվածով սահմանված կարգով և դեպքերում: